



COMUNU DE ASSÈMINI
(PROVÌNTZIA DE CASTEDDU)

^^^^^^^^^^000000000000^^^^^^^^^^

STATUTU COMUNALI

(aprovau cun deliberatzioni C.C. n. 76 de su 21.7.2009)

(mudau cun deliberatzioni C.C. n. 10 de su 18.3.2014)

ÌNDIXI

TÌTULU I – PRINTZIPIUS GENERALIS

ART. 1 – Su Comunu	pag.	4
ART. 2 – Printzipius de importu mannu e programàticus	pag.	4
ART. 3 – Logu comunali	pag.	5
ART. 4 – Stemma e gonfaloni	pag.	6

TÌTULU II – ISTITUTUS DE PARTECIPATZIONI E DERETUS DE IS TZITADINUS

ART. 5 – Dispositzionis comunas	pag.	6
ART. 6 – Partecipazioni	pag.	6
ART. 7 – Istitutus, Organismus, Modalidadis po s'esercitziu de is atividadis de partecipazioni	pag.	6
ART. 8 – Deretu de atzessu a is documentus amministrativus, pubbricidadi de is àutus: trasparèntzia de is protzedimentus	pag.	7
ART. 9 – Iniziativas popularis: istàntzias, petizionis, interrogatzionis e propositas	pag.	8
ART. 10 – Referendum consultivus e propositivus	pag.	8
ART. 11 – Difensori Tzivicu	pag.	8
ART. 12 – Atividadis e Servitzius de informatzioni e comunicatzioni	pag.	8

TÌTULU III – ÓRGANUS DE GUVERNU DE SU COMUNU

ART. 13 – Órganus de governu	pag.	8
ART. 14 – Su Consillu Comunale	pag.	8
ART. 15 – Aprovazioni linias programmàticas	pag.	9
ART. 16 – Is Consillaris Comunalis	pag.	9
ART. 17 – Incàrrigus spetzialis a is Consillaris	pag.	9
ART. 18 – Àusentzia de is Consillaris a is setziadas de Consillu	pag.	10
ART. 19 – Pubbricidadi spesas eletoralis	pag.	10
ART. 20 – Pubbricidadi de sa situatzione patrimoniali de is Consillaris e de is Assessoris	pag.	10
ART. 21 – Arregulamentu de su Consillu	pag.	10
ART. 22 – Prima adunàntzia de su Consillu	pag.	10
ART. 23 – Presidenti de su Consillu e ufitziu de presidèntzia	pag.	11
ART. 24 – Poderi e funtzionis de su Presidenti de su Consillu	pag.	11
ART. 25 – Grupus consiliaris	pag.	12
ART. 26 – Commissionis consillaris	pag.	12
ART. 27 – Cunferèntzia de is Cabus grupu	pag.	12
ART. 28 – Commissioni de indàgini, controllu e garantzia	pag.	12
ART. 29 – Pubbricidadi de sa situatzioni associativa de is titularis de incàrrigus eletivus	pag.	
ART. 30 – Su Sindigu	pag.	13
ART. 31 – Su Visu Sindigu	pag.	13
ART. 32 – Rapresentàntzia in giuditziu	pag.	13
ART. 33 – Nòmina de is rapresentantis de su Comunu in is Entis, Aziendas e Istitutzionis	pag.	13
ART. 34 – Tutela de is amministradoris	pag.	13
ART. 35 – Sa Giunta Comunale	pag.	14
ART. 36 – Cumpetèntzias de sa Giunta	pag.	14

<i>ART. 37 – Funtzionamentu de sa Giunta</i>	<i>pag.</i>	<i>14</i>
<i>ART. 38 – Motzioni de sfiducia</i>	<i>pag.</i>	<i>14</i>

TÌTULU IV – ORDINAMENTU DE IS UFÍTZIUS E DE IS SERVÌTZIUS

<i>ART. 39 – Printzipius generalis</i>	<i>pag.</i>	<i>15</i>
<i>ART. 40 – Articolatzioni de is ufitzius e de is servitzius. Dotatzioni orgànica</i>	<i>pag.</i>	<i>15</i>
<i>ART. 41 – Responsàbili de is servitzius</i>	<i>pag.</i>	<i>15</i>
<i>ART. 42 – Incàrrigus esternus</i>	<i>pag.</i>	<i>15</i>
<i>ART. 43 – Collaboratzionis esternas</i>	<i>pag.</i>	<i>15</i>
<i>ART. 44 – Su Segretàriu Generali</i>	<i>pag.</i>	<i>15</i>
<i>ART. 45 – Organizatzioni de su trabballu e determinatzioni de is arruolus professionalis</i>	<i>pag.</i>	<i>16</i>
<i>ART. 46 – Formas de gestioni de is servitzius pùbbricus</i>	<i>pag.</i>	<i>16</i>
<i>ART. 47 – Partecipatzioni a cunsòrtzius e a sòtzius de capitalis</i>	<i>pag.</i>	<i>16</i>
<i>ART. 48 – Tributu ambientali</i>	<i>pag.</i>	<i>16</i>

TÌTULU V – CONTABILIDADI E GESTIONI ECONÒMICA-FINANTZIÀRIA

<i>ART. 49 – Ordinamentu de sa contabilidadi comunali</i>	<i>pag.</i>	<i>16</i>
<i>ART. 50 – Bilànciu e programmatzioni finantziària</i>	<i>pag.</i>	<i>17</i>
<i>ART. 51 – Mancada aprovatzioni de su bilànciu aintru de is tèrminis. Commissariamentu</i>	<i>pag.</i>	<i>17</i>
<i>ART. 52 – Su Collègiu de is Revisoris de is Contus</i>	<i>pag.</i>	<i>17</i>
<i>ART. 53 – Su Controllu de sa gestioni</i>	<i>pag.</i>	<i>17</i>
<i>ART. 54 – Dispositzionis finalis</i>	<i>pag.</i>	<i>18</i>

TÌTULU I - PRINTZÌPIUS GENERALIS

Art. 1 - Su Comunu

Su Comunu de Assèmini est un'enti locali autònomu, in s'àmbitu de s'unidadadi de sa Repùbblica Italiana, de is printzìpius e de is normas stabilias de sa Constitutzioni, de is leis generalis e de custu STATUTU.

Arrapresentat sa comunidadi locali, ndi curat is interessus e ndi promovit su svilupu, armonizendi is finalidadis suas cun cussas de sa Regioni Autònoma de sa Sardinnia e de is Entis pùbbicus de su logu chi funt acapiaus de afinidadis stòricu-culturalis e econòmicas.

Su Comunu si bantat de su titulu de "Citadi de traditzioni antiga de sa ceràmica".

Art. 2 - Printzìpius fundamentalis e programàticus

Su Comunu de Assèmini agiudat a sa determinatzioni de is obietivus e de is programas de su Stadu, de sa Regioni, de sa Provìncia e pigat parti a is iniziativa adotadas de sa Comunidadi Europea. Fait cosa sua su printzìpiu de sussidiariedadi, chi narat ca s'atributzioni de is cumpetèntzias pùbbicas spetat a s'autoridadadi e a is sogetus chi po logu e funtzionis funt prus acanta a is tzitadinus.

Pigat parti a is iniziativa chi s'erbint a pònneri in pràtica sa Carta europea de s'Autonomia locali, e fintzas a su processu de mudadura de is poderis localis, segundu su printzìpiu de àutogovernu locali e de partecipatzioni manna de is tzitadinus.

In s'esercìtziu de is cumpetèntzias suas favoressit e sviluppat, fintzas cun formas assotziativas is arrelatus de collaboratzioni cun àterus Entis localis po afàinus de interessu comunu e pigat parti a is assòtzius natzionalis e internatzionalis addatus a assegurai sa tutela e sa promotzioni de is interessus comunus de is colletividadis localis, fintzas serbendisì de s'istitutu de su gemellàgiu.

Arreconoscit s'informatzioni cument'e deretu de primori de su citadinu e ndi garantit e promovit s'esercìtziu beru cument'e strumentu netzessàriu po pigai parti a manera responsàbili a sa vida sotziali, politica e po su controllu prenu e craru de is atividadis de s'Aministratzioni.

S'incurat a garantiri un'arrelatu francu aintr'e is istitutzionis, sotziedadi civili e politica cun sa partecipatzioni chi tenit is printzìpius, istitutus, organismus e strumentus inditaus in is articulus afatantis 5 e 6; s'autonomia de is òrganus istitutzionalis de governu e de gestioni, aintru de is cumpetèntzias de donniunu, in òrdini a sa gestioni e cumpriri is programas de su Comunu; sa balorizatzioni de is professionalidadis addatas cument'e critèriu de fundòriu in is nòminas me in is entis e organismus de cumpetèntzia comunali.

Promovit sa cononscèntzia e sa spainadura de su patrimoniu culturali, fintzas in is espressionis de lingua, de costùmini e de tradizionis localis, cun arriferimentu particolari a is tradizionis de su Campidanu de Casteddu, imperendi

is instrumentus e is risorse stabilis de sa lei. Promovit, firtzas, is atzionis de s'Enti e de sa comunitati chi favoressint s'integratzioni europea in totu is manifestatzioni culturalis e sòtziu-econòmicas sua in s'arrespetu de is tratus internatzionalis.

S'atividadi de su Comunu est improntada a critèrius de abertura faci a su mundu frutuosu, in s'articulatzioni sua pùbblica, privada e cooperativistica, promovendindi sa modernizatzioni.

Su governu de su Comunu de Assèmini òperat segundu su sistema de pranificatzioni strategica, est a narri su protzessu chi depit progetai, cunditzionai e fabbricai su benidori e su svilupu sòtziu- econòmicu de sa comunitati.

Sa struttura gestionali de s'Enti mudat fitianu, in coerèntzia cun su sistema de sa gestioni de su protzessu de pranificatzioni strategica chi est in su comma 7) e po garantiri su contribu a sa realizatzioni sua e evoluzioni, firtzas segundu logicas de investimentu de is risorse umanas e de s'alternàntzia sua.

Su Comunu apellendusì a sa decraratzioni universalis de is deretus de s'òmini, aprovada de is Natzionis Unias, arreconnoscit su valori assolutu de sa vida, de sa seguresa e de sa dinnidadi de dònna personi umana cument'e fundòriu de libertadi, giustitzia e paxi universalis.

Po custu cunsiderat, firtzas, cument'e còmpitu de primori cosa sua s'amparu de is fàscias prus svantagiadas de sa populatzioni locali, e òperat po promòviri sa solidariedadi de sa comunitati tzivili, po su prus a vantàgiu de is sogetus prus debilis e disamparus. Promovit is prus mannas iniziativa in matèria de assistèntzia, integratzioni sotzialis e de amparu de is deretus de is personis disàbilis. Su Comunu arreconnoscit is deretus de sa familia cument'e basi naturali de sa sotziedadi e pigat iniziativa addatas a fàiri firtzas in sedi locali is printzipius previdius de sa Costitutzioni Italiana. Su Comunu, amparat, firtzas, is àteras formas de abbitu.

Su Comunu arreconnoscit sa difarèntzia de gèneri cument'e valori e beni, promovit e fait atzionis positivas in su scopu de ndi bogai is barrancus po realizari is paris oportunitadis.

Cunsiderat cument'e obietivu de primori s'amannadura de sa basi culturali de is tzitadinus e su svilupu de unu sistema modernu de educatzioni permanenti, promovendi is atividades culturalis e educativas asseguendi sa valorizatzioni de su patrimoniu culturali, promovit su deretu a su stùdiu, favoressit ocasionis de atòbiu intramesu sa realidadi de sa scola e su mundu de su trabballu.

Promovit e amparat is tradizionis e is comunitadis localis e firtzas s'arrespetu e sa valorizatzioni de is culturas difarentis presentis in s'arrealidadi locali, garantendi is paris oportunitadis, cun s'ativatzioni de iniziativa sotzialis, educativas e culturalis.

Garantit s'espressioni libera e s'amparu de is interessus de is giòvunus, promovendi-de-ndi su protagonismu e sa partecipatzioni.

Su Comunu in s'àmbitu de is cumpetèntzias suas, de acòrdiu cun is assòtzius de is disterraus sardus promovit:

- a) *s'integratzioni sotzialis, culturali e tzivili;*

- b) sa chistidura de su patrimoniu linguisticu de origini;
- c) sa spainadura de is cumponentis culturalis regionalis

aintru de is colletividadis de is disterraus;

Cunforma a is printzipius costitutzionalis e a is normas internatzionalis chi arreconoscint is deretus naturalis de sa personi, de crarat ca arrefudat sa gherra cument'e mèdiu po disciniri cuntierras internatzionalis e promoviri sa cooperatzioni intramesu is pòpulus, arreconoscit in sa paxi unu deretu de fundòriu de is personis e de is pòpulus e s'incàrrigat a poderai su logu "denuclearizau", arrefudat sa tortura e sa pena de morti cument'e strumentus giuditziàrius e, in generali, de coatzioni politica.

Favoressit s'integratzioni sotziali e s'àmparu de is deretus de is tzitadinus chi appartenint a is fàscias dèbilis, in s'arrespetu de sa normativa in vigori.

Firmendi cunventzionis apòstas cun is ufitzius cumpetentis de su Stadu, segundu is dispositzionis de lei in vigori, promovit sa connoscèntzia e sa spainadura prena de is oportunidadis ofertas de sa legislatzioni in vigori in matèria de servitziu militari e de servitziu tzivili natzionali.

Promovit e agiudat is atividadis de su voluntariu, de is assòtzius liberus de is organizatzionis de su privau sotziali chi circant finalitadis chi no siant in cuntrastu cun sa normativa natzionali e regionali in vigori.

Favoressit initziativas de valorizatzioni ambientali, turistica e produtiva cumpatibilis cun s'àmparu pretzisu de s'habitat de is àreas de sa laguna de Santa Gilla e de s'isula amministrativa de Gùturu Mannu.

Arreconoscit su logu suu liberu de organismus transgènicus, in s'arrespetu de su printzipiu de precautzioni e in is moras de s'aprontadura de protocollus idòneus de seguresa.

S'incàrrigat de fàiri dònna interventu de cumpetèntzia sua asuba de su controllu de calidadi de is alimentus agrìculus e forestalis promovendi, po su prus, sa spainadura de is prodotus biològicus.

Art. 3 - Logu comunali

Su Comunu tenit giurisditzioni de totu su logu comunali chi misurat 117,490 Kmq. Làcanat cun is Comunas de Deximumannu, Santu Sparau, Sestu, Su Masu, Casteddu, Cabuderra, Uda, Pauli. Fait parti de su logu comunali fintzas s'isula amministrativa nomenada Gùturu Mannu, chi làcanat cun is Comunas de Uda, Silicua, Nuxis, Santu Pedru, Sarrocu, Cabuderra, Santadi.

Sa sea de su Comunu est in su Palatzu munitzipali postu in Pratzza Repùbblica e si ddoi faint is adunàntzias de is òrganus eletivus; sceti po apretu e po esigèntzias particularis, su Consillu si podit arreuniri fintzas in logus difarentis de su palatzu tzivicu.

Art. 4 - Stemma e gonfaloni

Su stemma de su Comunu est una màrigha, asubada a unu trèbidi, de innui essint duus cambus furrius faci a bàsciu, unu de olia cun follas a manca e unu sermentu frutau a dereta, aprovau cun Decretu de su Presidenti de sa Repùbblica de su 16 abrilu 1959 e torrau a scriri in su registru aràldicu de s'Archìviu centrali de su Stadu su 5 de donniasantu 1959.

Su stemma est postu asuba de s'intestazioni de totu is àutus e documentus e est su logo ufiziali de s'Enti.

Su gonfaloni est fatu cun unu drapu pratziu in duas partis, una bianca e una asula, e in mesu su stemma de su Comunu, arricamau de decoraduras e de s'iscritzioni de prata "Comunu de Assèmini",

S'imperu e sa riprodutzioni de su stemma funt cunsentius sceti cun autorizazioni cabudiana de su Comunu, segundu sa disciplina previdia de àutu arregulamentari apòsitu. S'imperu de su gonfaloni est, fintzas, disciplinau de arregulamentu apòsitu.

Su situ Internet est disciplinau de arregulamentu apòsitu.

S'imperu de calisiat sinnu distintivu - cument'e cussu chi pertocat sa "tzitadi de tradizioni antiga de sa ceràmica" - depit èssiri autorizau cun provedimentu de su Comunu.

TÍTULU II - ISTITUTUS DE PARTECIPAZIONI E DERETUS DE IS TZITADINUS

Art. 5 - Dispositzionis comunas

Is dispositzionis de custu titulu s'apricant a is tzitadinus italianus, a is stràngius e a is apòlidis residentis in su Comunu.

Is minoris funt abilitaus a s'esercitziu de is deretus e de is atzionis de natura pùbblica chi benint o arreconnotus in su presenti titulu II.

S'edadi minima po pigai parti a s'eletorau ativu e passivu de is forum e fintzas a is formas de consultazioni at a èssiri stabilia de s'arregulamentu est a narri, in ocasionis ecetzionalis e motivadas, de is provvedimentus spètzificus chi ativant donniunu de is protzedimentus.

Art. 6 - Partecipazioni

Sa partecipazioni est su deretu arreconnotu a is chi cumponint sa comunidadi in forza de custu issus pigant parti a s'atividadi politicu-amministrativa de su Comunu.

Sa partecipazioni est de cumpetèntzia de is cumponentis sa comunidadi, s'ingulus o assotziaus, e de is organismus inditaus in su Statutu e est esertzitada cun modalidadi e critèrius detaus de s'Arregulamentu.

Cun su scopu de valorizai is formas assotziativas liberas e pròmoviri organismus de partecipazioni populari a s'Amministratzioni locali, su Comunu est pratziu in bixinaus cun arriferimentu a zonas oqualis po stòria e cultura.

Art. 7 - Istitutus, Organismus, maneras po s'esercitziu de is atividadis de partecipazioni

Is istitutus e is strumentus de sa partecipazioni funt:

- a) is initziativas popularis: propositas, interrogatzionis, petizzionis, istantzias;*
- b) is parris de òbbrigu;*
- c) is parris facultativus;*
- d) is referendum consultivus e propositivus.*

Is organismus de sa partecipazioni funt is consultas.

Su Consillu Comunali, cun su votu a favori de is 2/3 de is consillaris assinniaus, podit prevediri nous e àterus istitutus, strumentus e organismus de partecipazioni stabilendi is critèrius, is maneras de imperu e is arresurtaus.

Su parri de is organismus de partecipazioni est de òbbrigu asuba de su protzessu de pranificatzioni strategica e, in particulari, asuba de àutus chi ddu formant. Custus àutus funt inditaus cun cresa de s'arregulamentu. Is organismus de partecipazioni espressant parris facultativus in is matèrias inditadas de s'arregulamentu candu si ddus pregontint.

In is matèrias chi est prevediu chi a issus siant pregontaus parris de òbbrigu o facultativus, is organismus de partecipazioni tenint su poderi de avantzai propositas e fàiri monitoràgiu, segundu critèrius, maneras e protzeduras stabilius de s'arregulamentu.

Sa partecipazioni, siat de òbbrigu siat facultativa, po cantu no est stabilii in manera differenti de sa lei, pertocat a sa fasi predetzionali candu s'àutu de acabbu est de cumpetèntzia de is òrganus de guvernu e, candu s'àutu de acabbu est de cumpetèntzia de is òrganus de gestioni, podit intervènniri in sa fasi predecisionali asuba de is àutus de is òrganus chi est intregada sa programatzioni.

Cumentisiat po ambaduas su parri de òbbrigu o facultativu no est mai avrinculosu.

Is istitutus, is organismus e is strumentus previdius in is commas cabudianus funt stabilius de arregulamentu àpositu.

Art. 8 - Deretu de atzessu a is documentus amministrativus, pubbricidadi de is àutus e trasparèntzia de is protzedimentus

Su Comunu assegurat su deretu de atzessu a is documentus amministrativus, in s'arrespetu de is printzìpius stabilius de sa lei, de is normas de custu statutu e segundu is modalidadis fissadas de s'arregulamentu àpositu de su Consillu comunali.

S'arregulamentu stabilit

- a) is maneras de atzessu, in sa forma de esàmini e rilàsciu de còpia de is documentus;*
- b) s'ogetu de s'atzessu, scerendi is ocurrèntzias innui custu etotu est lassau a parti o trantziu;*

c) *is measuras organizativas idòneas a assegurai s'efetivadi de s'esercìtziu de su deretu de atzessu;*

d) *su deretu de atzessu a is informatziones chi funt in bancas datus, in s'arrespetu de is printzipius generalis in matèria de secretesa e de privacy.*

Su Comune assegurat a totus s'informatziones asuba de s'atividades sua e favoressit s'atzessu de is tzitadinus a is estructuras suas. Is protzedimentus amministrativus chi pertocant interessus de sa populatzione funt pubblicizaus a manera de ndi assegurai sa prus ampra connoscèntzia, cun s'imperu de is strumentus prus idòneus.

Unu spàtziu apòsitu, aintru de su palatzu tzivicu, est destinau a s'Albu Pretòriu po sa pubblicatzione de is àutus e de is avisus previdius de sa lei, de su Statutu e de is Arregulamentus. S'Albu Pretòriu est postu a manera de garantiri s'atzessu deretu a su pùbblicu, chena de peruna autorizatzione particulari.

Sa pubblicatzione de is deliberatziones in s'Albu pretòriu s'at a dèpiri fàiri aintru de su tèrmini de sessanta diis de sa data de adotzione a pena de decadèntzia. Sa pubblicatzione de is determinatziones in s'albu pretòriu s'at a dèpiri fàiri aintru de corantaxincu diis de sa data de aposizione de su vistu de cobertura finantzària de parti de s'arresponsàbili de su setori finantzàriu. Chi no est previdiu su vistu de s'arresponsàbili de su setori finantzàriu, su tèrmini de corantaxincu diis cumentzendi de sa data de adotzione de s'Arresponsàbili de su setori tènnicu. Is provedimentus decraraus eseguìbilis luegus depint èssiri apicaus in s'Albu Pretòriu aintru de su tèrmini de cuindixi diis de sa data de adotzione.

Is tzitadinus chi faint a un'ufitziu comunali una pregunta o s'istàntzia po otènniri cuncessione, licèntzia o àteras autorizatziones de cumpetèntzia de su Comune, tenint deretu a afirmari is arrexones insoru, in contradditòriu cun s'ufitziu comunali o is commissionis cumpetentis, segundu is maneras stabilèssias de s'arregulamentu.

Po su prus in su protzedimentu chi pertocat a s'adotzione de àutus che incidint asuba de situatzione giuridicas sogetivas, s'arresponsàbili de su protzedimentu ndi depit comunicai s'aviada, in is formas previdias de sa normativa in vigori.

A is istàntzias de is tzitadinus s'at a dèpiri torrai sceda scritta in is maneras e in is tèrminis previdius de sa lei e de s'arregulamentu.

S'arregulamentu determinat is formas de pubblicidade e de comunicatzione a is interessaus de is àutus e de is protzedimentus chi pertocant a issus, favoressendi fintzas su controllu e s'oposizione a amparu de is deretus insoru.

Su Comune assegurat a is cumpontis de sa comunidade sua su deretu a pigai parti a s'atividades de s'Enti, sighendi su critèriu e serbendi-si de istitutus, òrganus e strumentus chi funt in s'art. 6.

Art. 9 - Iniziativas popularis: istàntzias, petitzionis, preguntas e propositas

Is tzitadinus tenint su deretu de presentai in forma libera istàntzias, petitzionis, interrogatzionis a su Sindigu.

Is propositas, is istàntzias, is petitzionis, is interrogatzionis funt strumentus de s'iniziativa populari dereta ativada de is cumponentis singulus e assotziaus de sa comunidadi segundu is maneras stabilèssias de s'arregulamentu.

Is critèrius, is maneras, is tèmpus e fianzas ofertas a is chi cumponint sa comunidadi funt stabilius de s'arregulamentu.

Art. 10 - Referendum consultivus e propositivus

Su Consillu Comunali promovit referendum consultivus chi pertocant a àutus de cumpetèntzia segundu su chi est stabiliu in s'arregulamentu apòsitu. In prus de is occurrèntzias de no amissioni previdius de sa lei, no est intamus permissiu a promoviri referendum consultivus asuba ogetus chi depat deliberai su Consillu aintru de tèrminis stabilius de sa lei o chi pertocant sa cumpridura de àutus chi si depint fàiri po lei e fintzas asuba de provedimentus chi pertocant a s'amparu de is deretus de is minorias ètnicas o arreligiosas; a is màterias giai ogetu de consultatzioni referendària in is ùrtimus tres annus.

Art. 11 - Difensori tzìvicu

Su Comunu podit istituiri s'ufitziu de su Difensori Tzìvicu, cun sa tenta de assegurai un'amparu prus mannu de is tzitadinus in cunfrontu de provedimentus, àutus, fatos, cumportamentus diferius, omitiu o cumentisiat cumprus foras de is arrègulas de is matessi ufitzius.

Su Difensori Tzìvicu amparat is deretus e is interessus de is tzitadinus, in atuatzioni de is normas de lei, de custu Statutu e de is Arregulamentus de su Comunu.

S'istitutu est arregulamentau de àutu normativu generali àpositu de cumpetèntzia de su Consillu comunali. Sa nòmina e su funtzionamentu funt stabilius de arregulamentu apòsitu.

Art. 12 - Atividadis e servìtzius de informatzioni e comunicatzioni

In atuatzioni de is printzipius chi arregulant sa cresa e is profetus de s'atzioni amministrativa, sul Comuni, cun atividadis e servìtzius de informatzioni e comunicatzioni:

- a) favoresssit sa connoscèntzia de is òrganus istituzionalis, de is servìtzius e de is funtzionamentu insoru;*
- b) assegurat sa spainadura de is temas de grandu interessu pùbbricu e sotziali;*
- c) promovit protzessus internus de agiudu e arrenou de is struturas e de is protzedimentus amministrativu;*
- d) promovit sa màgini de s'amministratzioni e de sa tzitadi, donedi visibilidadi a is eventus chi su Comunu organizat cun mèdiu de s'Ufitziu Relatzionis con su*

Pùbbricu e s'Ufitziu Stampa;

c) S'Ufitziu stampa promovit e assegurat, segundu is dispositzionis deontològicas de sa professioni giornalìstica, s'informatzioni cumpleta e pluralìstica asuba de funtzionis, òrganus, servìtzius e atividadis de su Comune.

S'Ufitziu relatzionis cun su pùbbricu promovit sa comunicatzioni istituzionali, agiudat e favoressit is deretus de atzessu e partecipazioni e fintzas s'imperu de is servìtzius.

TÍTULU III - ÓRGANUS DE GUVERNU DE SU COMUNE

Art. 13 - Órganus de guvernu

Funt òrganus de guvernu de su Comune su Consillu, sa Giunta, su Sindigu.

Art. 14 - Su Consillu Comunali

Su Consillu Comunali, dotau de autonomia funtzionali e organizativa, arrapresentat sa comunidadi comunali, determinat s'indiritzu poìiticu-aministrativu, sotziali e econòmicu de su Comune e ndi controllat s'atuatzioni.

In is setziadas de is òrganus collegialis de su Comune est permiu a imperai sa lingua sarda. S'Arregulamentu de su Consillu Comunali at a detai in maneras po garantiri l de cumprèndiri is interventus. Is verbalis funt scritus in lingua italiana. A dònna manera est de òbbriugu a su Consilleri de intregai in forma scritta a su Segretàriu chi verbalizat còpia de s'interventu scritu in lingua sarda e in lingua italiana.

Cumprit is funtzionis demandadas de is leis, statalis e regionalis, cun is modalidadis e is protzeduras stabilèssias in s'arregulamentu asuba de su funzionamentu de su Consillu Comunali.

S'eletzioni de su Consillu Comunali, sa durada in càrriga, su nùmuru de is consillaris, e sa positzioni giurìdica insoru funt disciplinaus de is normas previdias de sa lei e de s'arregulamentu.

Art. 15 - Aprovatzioni linias programàticas

Aintru de trinta diis de sa primu setziada de su Consillu su Sindigu, intèndia sa Giunta, trasmitit a su Presidenti de su Consillu su documentu chi pertocat is linias programàticas chi arreguardant a is atzionis e a si progetus de fàiri aintru de su mandau.

Sul Consillu comunali, aintru de trinta diis infatu, deliberat asuba de su documentu programàticu de su comma cabudianu.

Sul Consillu Comunali, in sedi de aprovatzioni de su bilànciu preventivu, esaminat fintzas is chistionis chi pertocant sa definitzioni, s'adeguamentu e s'esàmini de s'atuatzioni de is linias programàticas.

Chi su Consillu pentzat ca su programa siat, in totu o in parti, no addatu a is

netzessidadis de s'Enti o no siat bastanti atuau, stabilit is linias programàticas afatantis e operativas de s'ghiri.

Art. 16 - Is Consilleris comunali

Is Consilleris comunali arrapresentant sa comunadi intrea, a custa arrespundint chena avincu de mandau. S'eletzioni, su càmbiu e sa decadèntzia de is consilleris, e fintzas su status giuridicu insoru funt disciplinausus de sa lei e de custu statutu.

Segundu is maneras previdias de s'arregulamentu is consilleris esercitant su deretu:

- a) de iniziativa asuba de dònna chistioni sutaposta a sa deliberatzioni de su Consillu Comunale;
- b) de interventu in sa discussioni, de emendamentu e de votu, e fintzas de presentai interrogatzionis, interpellantzas, motzionis, òrdinis de sa dii e propostas de deliberatzioni;
- c) de otènniri informatzionis asuba de s'atividadis de su Comune, asuba de sa gestioni de is servitzius pùbbricus, asuba de s'andamentu de is aziendas spetzialis, e fintzas asuba de is entis a innui pigat pari o chi controllat su Comune;
- d) de otènniri còpia de is àutus e documentus utilosus po sa cumpridura de su mandau suu, in àmbitu de is normas previdias de sa lei e de custu statutu;
- e) de otènniri sceda scritta de su Sindigu o de is assessoris delegaus, aintru trinta diis a is interrogatzionis e a dònna istàntzia de sindacau ispetivu presentada de is consilleris, in is maneras stabilessias de s'arregulamentu de su Consillu. Candu su consilleri presentat interrogatzionis, interpellantzas e dònna àtera istàntzia de sindacau ispetivu, de pònneri a s'esàmini de su Consillu, su Sindigu o is Assessoris delegaus ant a fruniri is scedas in is maneras e in is tempus stabilius de su pròpiu arregulamentu.

Su Consilleri tenit s'òbbrigu de chistiri su segretu de is novas e àutus arricius, in is ocasionis previdias de sa lei.

Is Consilleris comunali tenint su doveri de intervènniri a is setziadas de su Consillu Comunale e de pigai parti a is trabballus de is cumissionis consillaris chi ndi faint parti.

Is Consilleris comunali depint presentai, aintru de trinta diis de s'esàmini de is requisitus de eligibilitadi e cumpatibilitadi, una decrarada scritta chi pertocat a is adesionis insoru a is Entis o assòtzius chi faint atividadis acapiadas a is funtzionis amministrativas de su Comune. Depint èssiri decraradas, fintzas, is adesionis in s'interis de su mandau.

Art. 17 - Incàrrigus spetzialis a is Consilleris

Su Sindigu, po esigèntzias amministrativas e istituzionalis particularis de s'Enti, chi pertocant a su stùdiu e a sa connoscèntzia de chistionis impirigadas, fintzas po congruiri funtzionis particularis chi pertocant s'arrapresentàntzia, si podit serbiri de s'agiudu de is consilleris comunali, fintzas cun s'atributzioni de dèlega

pretzisa.

Is Consilleris Comunalis podint èssiri incarrigaus de su Sìndigu po agiudai is atividades de is assessoris.

Art. 18 - Ausèntzia de is Consilleris a is setziadas de su Consillu

Dònna Consilleri tenit s'òbbrigu de giustificai a su Presidenti is ausèntzias suas a is riunionis de su Consillu, manchendi de pigai parti depit èssiri comunicau innantis de su cumentzu de sa setziada imperendi dònna manera de comunicatzioni deghinò in forma scritta aintru is otu diis. Sa giustificatzioni si podit cunsiderai valida si pertocat a arrexonis independentis de sa voluntadi de su Consilleri.

Manchendi de pigai parti, chena de nd'àiri donau giustificatzioni, a cuatro setziadas una avatu de s'àtera o a ses setziadas aintru de dònna annu de su mandau amministrativu donat s' aviada a su protzedimentu po sa dichiaratzioni de decadèntzia de su consilleri. Po custu, su Presidenti de su Consillu, intèndia sa cunferèntzia de is ghias de is grupus, notificat a su consilleri interessau sa comunicatzioni de s'ativatzioni de sa protzedura de decadèntzia, pedendi a su consilleri etotu a fàiri connòsciri is càusas justificativas suas, aintru dexi diis de sa notifica de s'avisu de su Presidenti, chi nd'arrelatat in Consillu in sa primu setziada utilosa.

Passau su tèrmini de su comma cabudianu, sa proposta de decadèntzia est sutaposta a su Consillu chi, in setziada secreta, decrarat sa decadèntzia.

S'arregulamentu po su funtzionamentu de su Consillu comunali disciplinat sa protzedura po sa decraradòria de decadèntzia.

Art. 19 - Pubbricidadi spesas eletoralis

Dònna candidau a su incàrrigu de Sìndigu e dònna lista depint presentai, candu depositant sa candidadura e is listas, una dichiaratzioni asuba de sa spesa chi previdint de fàiri po sa campànnia eletorali e chi si pentzat de ddi destinai.

Custus documentus funt pubbricaus cus s'affissioni in s'Albu pretòriu de su Comune po totu sa durada de sa campànnia eletorali e cun avisu a su pùbbricu.

Art. 20 - Pubbricidadi de sa situatzioni patrimoniali de is consilleris e de is Assessoris comunali

S'arregulamentu stabilessit is maneras e is critèrius po sa pubbricidadi de sa situatzioni patrimoniali e reddituali de is consilleris e de is assessoris comunali, e fintzas is maneras po pediri a is chi funt nomenaus o desinniaus de su Comune in entis o aziendas, de pubbricai sa situatzioni patrimoniali e reddituali intzoru.

Art. 21 - Arregulamentu de su Consillu

Su Consillu comunali adotat s'arregulamentu po sa disciplina de s'organizatzioni e de su funtzionamentu de su Consillu, cun deliberatzioni pigada

de sa majoria 2/3 de is consillaris assinniaus a su Comunu. Si no s'arribbat a sa majoria, sa votazioni s'at a arripitiri in d-una setziada infatu, aintru de 30 diis, e s'arregulamentu est aprovau si otenit is votus a favori de sa majoria assoluta de is consillaris assinniaus.

S'arregulamentu de custu articulu intrat in vigori in su de cuindixi diis a pustis de sa pubbricazioni in s'albu pretòriu.

Art. 22 - Prima adunàntzia de su Consillu

Sa primu setziada de su Consillu depit èssiri cunvocada de su Sìndigu aintru de su tèrmini perentòriu de dexi diis de sa proclamazioni de is eletus e si depit fàiri aintru de sul tèrmini de dexi diis.

Su Consillu s'incurat de sa cunvalida de is consillaris e giudicat de is càusas de inelegibildadi e de incumpatibildadi cunforma a sa lei, disponendi càmbias.

Custa setzida est ghiada de su consillari antzianu, cunforma a sa lei, fintzas a s'eletzioni de su Presidenti de su Consillu.

Sa setziada sodigat po sa comunicazioni de is cumponentis de sa Giunta e po sa discussioni e aprovazioni de is inditus generalis de governu. In custa setziada, in prus, su Consillu Comunali providit a s'eletzioni intr'e is membrus de is cumponentis sa Cumissioni Eletorali Comunali.

A custus adempimentus su Consillu protzedit in setziada pùbblica e a scrutiniu a sa làdina.

Art. 23 - Presidenti de su Consillu e Ufitziu de presidèntzia

Sul Consillu comunali, in sa primu adunàntzia sua e luegus a pustis de sa cunvalida de is eletus, innantis de deliberai de calisiat argumentu elegit, cun votazioni distintas, su Presidenti de su Consillu e su Visu Presidenti chi formant s'ufitziu de presidèntzia.

Su Presidenti de su Consillu est eletu, in primu votazioni, a scrutiniu segretu cun sa majoria de is 2/3 de is consillaris assinniaus. Chi, in sa primu votazioni, no s'arribbat a su nùmuru previdiu, si protzedit in sa pròpiu setziada cun una segunda votazioni e arrisurtat eletu chini pigat sa majoria assoluta de is votus de is consillaris assinniaus. Chi incapas sa segunda votazioni, arresurtit debbadas, s'at a sodigai, in sa matessi setziada, a un'àtera votazioni de ballotàgiu intremesu is duus candidaus chi ant pigau nùmuru prus mannu de votus. Chi is candidaus pigant unu nùmuru oguali de votus, bincit s'antzianidadi de edadi.

S'incàrrigu de Presidenti de su Consillu comunali no est cumpatibili cun cussa de cabu grupu consillari, sarvu chi no siat cumponenti ùnicu de unu grupu.

Nomenau su Presidenti, su Consillu protzedit a s'eletzioni, cun scrutiniu segretu, de su visu Presidenti. Po custa votazioni dònna consillari scritt asuba de sa scheda sua unu nòmini sceti e arresurtat nomenau chini otenit su nùmuru prus mannu de votus.

In s'ufitziu de presidèntzia depit èssiri garantia sa presèntzia de sa minoria.

Su Presidenti acabbat s'incàrrigu chi benit aprovau un'àutu de arrevocu votau po apellu nominali de sa majoria assoluta de is cumponentis su Consillu. S'àutu de arrevocu depit èssiri motivau e firmau de assumancu unu de tres de is consilleris assinnaius e est posta in discussioni no innantis de dèxi diis e no a pustis de trinta diis de sa presentatzioni sua. In sa pròpiu setziada, o in cussa illuegus infatu, su Consillu providit a sa nòmina noa, a norma de su 2° comma, de custu articulu.

S'ufitziu de sa Presidentza de su Consillu tenit sa sea in localis addatus, postus a dispositzioni de s'Aministratzioni Comunali, frunius de atrezaduras de ufiziu e de totusu chi est netzessàriu po su bonu funtzionamentu de su matessi.

Su Consillu Comunali, cun norma regulamentari, providit a s'istitutzioni de struturas apòsitassas po su funtzionamentu de su Consillu etotu e de is grupus consillaris. Su bilànciu comunali previdit capítulu de spesa àpositu po su funtzionamentu de s'Ufiziu de Presidentza, de su Consillu Comunali, de is Cumissionis Consillaris permanentis e de sa Cunferèntzia de is Ghias grupus.

Art. 24 - Poderis e funtzionis de su Presidenti de su Consillu

Su Presidenti de su Consillu Comunali:

- a) Tenit sa rapresentàntzia de su Consillu, ddu ghat e ndi poderat s'òrdini;*
- b) cunvocat su Consillu comunali, in collaboratzioni cun su Sìndigu, intèndia sa cunferèntzia de is capus grupu;*
- c) aberit, ghat e decrarat serrada sa votatzioni asuba argumentus a s'òrdini de sa dii e proclamat s'arresurtau de is votatzionis;*
- d) tenit facultadi de firmari o istesiai is setziadas de su Consillu Comunali;*
- e) s'incurat de sa costitutzioni de is Cumissionis consillaris, billat asuba de su funtzionamentu intzoru e ndi coordinat s'atividadis de intesa cun is Presidentis de custas etotu;*
- f) s'incurat is arrelatus cun is Grupus consillaris e sa Giunta e assegurat un'nfomatzioni adeguada e preventiva a is grupus consillaris asuba chistionis de sutapònneri a su Consillu.*

Su Presidenti de su Consillu promovit e cuncordat is atividadis de indiritzu e de controllu politicu amministrativu e s'adotzioni de is àutus de fundòriu chi s'ordinamentu intregat a su Consillu Comunali; e in prus assegurat, cun is maneras previdias de su statutu, sa partecipatzioni de su Consillu a sa definitzioni, a s'adeguamentu e a s'averiguada periòdica de s'atuatzioni de is linias programàticas de su Sìndigu.

A su Presidenti de su Consillu Comunali est arreconnota, in arrespetu de is dispositzionis de is leis in vigori, un'indennidadi mensili de funtzioni.

S'indennidadi arrechedit dònna spetantza po getonis de presèntzia chi s'arreferit a is setziadas de su Consillu e a is cumissionis consillaris.

Art. 25- Grupus consillaris

Is Consillaris si cumponint in grupus consillaris, segundu is maneras stabilias de s'arregulamentu de su Consillu.

Art. 26 - Cumissionis consillaris

S'Arregulamentu de su Consillu determinat su nùmeru e is cumpètenzias de is cumissionis consillaris permanentis, e fintas is maneras po s'istitutzioni de cumissionis spetzialis.

Is cumissionis funt cumpostas sceti de consillaris comunali, cun critèrius idòneus a garantiri sa proporzionalidadi de is grupus consillaris. Dònna Consillari podit pigai parti, chena de deretu de votu e cun facultadi de interventu, a is setziadas de sa cumissionis consillari chi no ndi siat unu membru.

A is setziadas de is cumissionis podint pigai parti su Sìndigu, is Assessoris e is chi cumponint s'Ufìtziu de presidèntzia, cun facultadi de interventu e chena de deretu de votu.

Un'arregulamentu determinat is ocasionis innui s'aprovatzioni de una proposta de deliberatzioni, de cumpetèntzia de su Consillu Comunali, podit èssiri intregada a una Cumissioni permanenti, sarvu sa votazioni de acabbu de parti de su Consillu Comunali, cun dibatu e sceti po una dichiarazioni de votu a cad'e unu grupu consillari.

Is setziadas de is cumissionis consillaris funt pùbbricas, sarvu is ocasionis previdias de s'arregulamentu.

Is Presidentis de is Cumissionis ant a dèpiri arrelatai asuba de s'atividadi fata a su Consillu Comunali aintru de ses mesis de s'insediamentu, e fintzas dònna borta chi custos etotu ddu cretant oportunu o custu siat pediu de su Consillu. Sa mancada operatividadi po ses mesis ndi cumportat sa decadèntzia.

Po permitiri su mellus esercìtziu de is funtzionis chi spetant a su Consillu Comunali is Cumissionis consillaris si serbint de sa segreteria de su Consillu Comunali in collaborazioni cun su Responsàbili de su setori cumpetenti po matèria.

Art. 27 - Cunferèntzia de is cabus grupus

Is Presidentis de is grupus consillaris formant una cumissioni permanenti nomenada Cunferèntzia de is cabus grupus. Sa cumissioni est coordinada de su Presidenti de su Consillu.

A sa Cunferèntzia funt intregaus is còmputus inditaus in s'arregulamentu de su Consillu comunali.

Art. 28 - Cumissioni de spriculadura, controllu e garantzia

Su Consillu comunali podit istituiri, asuba de proposta de su Sìndigu, de su Presidenti de su Consillu o asuba de istàntzia sutascrita de assumancu 1/5 de is consillaris, a majoria assoluta de is membrus suos, cumissioni de spriculadura incarrigadas de averiguai asuba de fatus, àutus e provedimentus, fintzas asuba de

cumportamentus de is cumponentis de is òrganus eletivus, de is responsàbilis de is ufitzius e de is servitzius, de is rapresentantis de su Comunu in àterus organismus.

Su Consillu comunali podit, fintzas, cun is maneras chi funt in su comma cabudianu, istituiri cumissionis spetzialis cun funtzionis de controllu de s'atividadis politicu-aministrativa de su Comunu, e fintzas de Entis, istituzionis, aziendas e sotziedadis controlladas de issu etotu.

Su Consillu comunali in s'interis a s'istituzioni de is cumissionis chi funt in is commas cabudianus ndi determinat s'acabbu, s'àmbitu de esàmini e su tempus acansau po congruiri is traballus.

Sa presidèntzia de is cumissionis, de is commas 1 e 2, est intregada a consilleris chi faint parti de is grupus de minoria.

S'arregulamentu de su Consillu disciplinat sa cumposizioni cun critèriu proportzionali de is cumissionis de custu articulu, is funtzionis, is poderis e s'elezioni de su Presidenti.

Art. 29 - Pubbricidadi de sa situatzioni assotziativa de is titularis de incàrrigus eletivus

Su Comunu domandat sa pubbricidadi de sa situatzioni assotziativa de is titularis de incàrrigus eletivus o de nòminas e desinniatzioni comunali fintzas a is finis de s'arrespetu de sa lei 25 gennaxu 1982 n.17.

A custu scopu is consilleris comunalis, is assessoris e is nomenaus o desinniaus de su comma cabudianu, depositant in su Servitziu Afàrius Generalis e istituzionalis una dichiaratzioni chi amostit s'apartenèntzia a assòtzius, calisiat sa finalidadi intzoru, pretzisendi-de-ndi sa denominatzioni e sa finalidadi.

Art. 30 - Su Sìndigu

Su Sìndigu determinat is indiritzus de politica aministrativa de su Comunu, est su cabu de s'Aministratzioni e dda rapresentat. Esertzitat is funtzionis chi ddi donant is leis, custu statutu, de s'arregulamentu e sovrintendit a sa cumpridura de is funtzionis statalis o regionalis donadas o delegadas a su Comunu.

Su Sìndigu promovit e coordinat s'atzioni de is singulus assessoris, assinniat diretivas in atuatzioni de is determinatzionis de su Consillu e de sa Giunta, e fintzas cussas chi pertocant a is responsabilidadis suas de direzioni de sa politica generali de s'Enti.

Sovrintendit in bia generali a su funtzionamentu de is ufitzius e de is servitzius, e fintzas a s'esecuzioni de is àtus de su Comunu, donendi po custu is diretivas a su Segretàriu generali, a su Diretori Generali, a is Responsàbilis de is Servitzius de s'Enti.

Su Sìndigu nominat is cumponentis de sa Giunta inditendi intr'e issus su Visu Sìndigu e ndi donat comunicatzioni a su Consillu in sa primu setziada a pustis de is elezionis.

Su Sìndigu delegat un'assessori, chi assumit sa funtzioni de visu Sìndigu, a ddu sostituiri in bia generali. Sa rapresentàntzia de su Comunu e s'esercitziu de

Ufizziali de governu cumpetint, in òrdini: a su Visu Sindigu, a is àterus assessoris in s'òrdini stabiliu de su Sindigu o, manchendi issu, in òrdini de antzianidadi.

Art. 31 - Su Visu Sindigu

Su Visu Sindigu pigat su postu de su Sindigu in dònna ocasioni de ausèntzia o impedu temporàneu. Pigat su postu suu fintzas in ocasioni de suspensioni de s'esercìtziu de sa funtzioni e de decadèntzia de deretu in is ipòtesis previdias de sa lei.

Su Visu Sindigu pigat e fait is funtzionis de su Sindigu chi custu tengat impedu permanenti o ndi dd'apat bogau de s'incàrrigu s'autoridadi cumpetenti, o siat decadiu o mortu. Su Visu Sindigu fait is funtzionis nomenadas fintzas a s'eletzioni de su Consillu comunali nou e de su Sindigu nou.

A dònna manera su Visu Sindigu no est consilleri comunali e no podit in custa funtzioni pigai su postu de su Sindigu.

Art. 32 - Rapresentàntzia in giuditziu

Sa rapresentàntzia in giuditziu de su Comunu spetat a su Sindigu. Spetat fintzas a is Responsàbilis de Servìtziu incarrigau de positzioni organizzativa in is limitis postus de su decretu sindacali de nòmina.

Sa detzisioni de inrai in giuditziu po promòviri o aguantai a is certus po s'amparu de deretus o interessus de su Comunu cumpetit a sa Giunta comunali.

Art. 33 - Nòmina de is rapresentantis de su Comunu in is entis, aziendas e istituzionis

Asuba de sa basi de is indiritzus stabilius de su Consillu su Sindigu providit a sa nòmina, a sa desinniatzioni e a s'arrevocu de is rapresentantis de su Comunu in Entis, aziendas e istituzionis, garantendi, de norma, sa rapresentàntzia de ambaduu is gèneris.

S'acabbu de s'incàrrigu de su Sindigu cumportat sa decadèntzia in deretura de is aministradoris de su comma cabudianu.

Is aministradoris de custu articulu podint èssiri arrevocaus de su Sindigu o de su Consillu, candu de cumpetèntzia, candu ddoi siat cuntrastu craru cun is indiritzus deliberaus de is òrganus de governu de su Comunu o de ineficièntzia documentada, o de pregiudìtziu a is interessus de su Comunu o de s'Enti. Funt fintzas arrevocaus in ocasioni de irregolaridadi gravi de sa gestioni.

Art. 34 - Amparu de is Aministradoris

Su Comunu, in is maneras e in is tèrminis previdius de sa lei, podit assegurai is aministradoris suos e is dependentis po is arriscus chi bessint de su faimentu de is còmpitus istituzionalis.

Art. 35 - Sa Giunta comunali

Sa Giunta est cumposta de su Sindigu, chi dda ghiat, e de unu nùmuru màssimu de assessoris no superiori a 1/3 de su nùmuru de is consillieris comunali.

assinniaus. In sa cumpositzioni de sa Giunta est garantiu s'arrespetu de su printzìpiu de sa rapresentàntzia de gèneri.

Is Assessoris pigant parti a is adunàntzias de su Consillu e a is atòbius de is Cumissionis consillaris, cun facultadi de interventu e chena deretu de votu. Is Assessoris etotu chi siant trabballadoris dependentis tenint deretu de manca de su servìtziu po pigai parti a is atòbius de su Consillu Comunali aici cumentis est previdiu in s'art. 79 de su Decretu Legislativu 18.8.2000 n. 267.

Sa Giunta, in sa primu setziada sua, innantis de discùtiri calisiat àtera chistioni, esaminat sa cundizioni de su Visu Sìndigu e de is assessoris chi pertocat a is requisiti de elegibilitadi e cumpatibilitadi.

Art. 36 - Cumpetèntzias de sa Giunta

Sa Giunta collaborat cun su Sìndigu in s'aministratzioni de su Comunu e in s'atuatzioni de is indiritzus generalis stabilius de su Consillu, orientendi po custu scopu s'atzioni de is aparatus amministrativus e fait atividadi de impèllida e proposta in is cunfrontus de su Consillu etotu.

Su Sìndigu podit donai a is singulus assessoris su còmpitu de sovrintèndiri a setoris similis de aministratzioni o a spetzificus progetus donendi impèllida a s'atividadi de is ufitzius segundu is indiritzus stabilius de is òrganus de governu de su Comunu e billendi s'esercìtziu currègiu de s'atividadi amministrativa e de gestioni.

Sa Giunta cumprit is atus de aministratzioni chi no siant arriservaus de sa lei a su Consillu e chi no siant in is cumpetèntzias, previdias de is leis o de su statutu, de su Sìndigu e de is òrganus de gestioni.

Providit in matèria de còmporas e bendisionis immobilis, chi pertocant cuncàmbias, apaltus, cuncessionis, candu is elementus chi determinant se s'interventu, cun s'indicatzioni de màssima de sa summa, siant stabilius in àtus de importui de su Consillu.

Adotat, fintzas, deliberatzioni de cuncessioni de contributus, sussidius e àterus vantàgius finantziàrius o strumentalis previdiusi de is arregulamentus comunalis, chi no siant parti de is funtzioni de gestioni.

Art. 37 - Funtzionamentu de sa Giunta

Sa Giunta est cunvocada e ghiada de su Sìndigu o de chini ndi fait is funtzioni. Is setziadas de sa Giunta no funt pùbbricas. Sa Giunta podit fàiri pigai parti a is setziadas suas personis chi no faint parti de su collègiu.

A is setziadas pigat parti cun funtzioni consultivas, referentis e de assistèntzia giuridicu- amministrativa su segretàriu generali o, po ausèntzia o impèdu suu, su visu segretàriu.

Sa Giunta esertizat is funtzioni a manera unitària e deliberat cun s'interventu de sa majoria de is cumponentis, cun votu a cuncòrdiu e làdinu. Adotat is deliberatzioni suas asuba de proposta fata de su Sìndigu, de is singulus Assessoris o de is Responsàbilis de is Servìtzius incarrigaus de positzioni organizativa. Dònnia proposta de deliberatzioni est acumpangiada de is parris e

de is atestatzionis previdias de sa lei.

Sa Giunta podit disciplinari s'atividadis sua cun arregulamentu apòsitu de organizatzioni.

Art. 38 - Motzioni de sfidùcia

Su Sìndigu e sa giunta acabbant s'incàrrigu chi est aprovada una motzioni de sfidùcia chi, motivada e sutascrita de assumancui duus de cinqu de is consilleris assinniaus (intr'e custus no intrat in contu su Sìndigu), est intregada a su Presidenti de su Consillu chi dda ponit in discussioni, in una data intr'e su de dexi e su de trinta diis infatu, cunforma a sa lei, e dda ponit a is votus po apellu nominali. Sa motzioni est aprovada candu arricit s'audida de sa majoria assoluta de is chi cumponint su Consillu. Si sa motzioni de sfidùcia no est atzetada, is consilleris chi ant sutascritu sa motzioni no ndi podint presentai un'àtera si no prima de ses mesis de sa denega de sa cabudiana.

Is dimissionis de unu o prus assessoris depint èssiri presentadas a su Sìndigu. A su càmbiu de is assessoris dimissionàrius o arrevocaus o acabaus d e s'ufitziu po àtera càusa providit su Sìndigu chi ndi donat comunicatzioni motivada a su Consillu - impari a is nominativus de is assessoris nous – in sa primu setziada utilosa de infatu. Sa motivatzioni depit faàiri arriferimentu a s'arrelatu de fidi.

TÌTULU IV - ORDINAMENTU DE IS UFÌTZIUS E DE IS SERVÌTZIUS

Art. 39 - Printzìpius generalis

Is ufìtzius e is servìtzius de su comunu funt organizaus cunforma a critèrius de autonomia, funtzionalidadi e economicidadi de gestioni, segundu critèrius generalis de professionalidadi, responsabilitadi e trasparèntzia, aprovaus de su Consillu Comunali.

S'arregulamentu asuba de s'ordinamentu de is ufìtzius e de is servìtzius, adotaus de sa Giunta munitzipali cun consultazioni innantis de is organizzazioni sindacalis e in atuazioni de is linias de fundòriu aprovadas de su consillu comunali, disciplinat is protzedimentus idòneus a cuoncretizai is printzìpius e is critèrius tenendi contu de is esigèntzias de s'utèntzia, de sa valorizazioni de is risursas umanas e de sa flessibilitadi organizativa.

Art. 40 - Articulazioni de is ufìtzius e de is servìtzius. Dotazioni orgànica

S'articulazioni de is ufìtzius e de is servìtzius e sa dotazioni orgànica de s'Enti funt disciplinadas de s'arregulamentu de s'articulu cabudianu. S'arregulamentu podit prevediri servìtzius e unidatis operativas in staff.

Art. 41 - Responsàbilis de is Servìtzius

Is còmpitus, is funtzionis, is atribuzionis de is Responsàbilis de is Servìtzius incarrigaus de posizioni organizativa e fintzas s'organizzazioni e sa gestioni de su personali, funt disciplinaus de s'arregulamentu in conformidadi a sa lei e a su C.C.N.L.

Art. 42 - Incàrrigus esternus

Su Sìndigu podit providiri a ocupai is postus de responsàbili de servìtziu o de is ufìtzius, de cualificas dirigentzialis o de spetzializazioni arta, cun contratu a tempus determinau de deretu pùbbricu. Sceti calincuna borta, cun deliberazioni fata innantis de sa giunta munitzipali, su Sìndigu podit nomenai unu responsàbili o un espertu cun cuntratu de deretu privau abarrendi firmus is requisitus chi arrechedint a sa cualifica de trabballu. In ambaduas is occurrèntzias is cuntratus no podint tènniri durada prus longa de su mandau eletivu de su Sìndigu e depint providiri sa previsionis de sa no trasformabilitadi de s'incàrrigu in raportu de trabballu a tempus indeterminau.

Su cumpensu po is incàrrigus est determinau de su Sìndigu, cun deliberazioni fata innantis de sa giunta, in relatzioni a sa natura de sa prestazioni, a s'impènniu oràriu e a is responsabilitadis chi funt de sa funtzioni e cumentisiat no prus artu de cantu stabiliu de su cuntratu colletivu natzionali de trabballu e de sa legislatzioni in vigori in matèria. De is pròpius printzìpius depit tènniri contu su Sìndigu in s'atribuzioni de is acumpentzus a is incàrrigaus cun cuntratu de deretu privau.

Art. 43 - Collaboratzionis esternas

Po obietivus determinaus e cun conventzioni a tèrmini, s'arregulamentu previdit collaboratzionis esternas a contenu artu de professionalidadi fissendi is limitis e determinendi critèrius e maneras po s'intregu de incàrrigus de collaboratzioni, stùdiu, circa e consulèntzia a sogetus allenus a s'aministratzioni. S'intregu de cussus incàrrigus si podit fàiri sceti in s'àmbitu de unu programa aprovau de su consillu comunali.

Art. 44 - Su Segretàriu Generali

Su comunu tenit unu segretàriu titulari chi dipendit, de agenzia natzionali apòsita cun personalidadi giuridica de deretu pùbbricu e fait is còmputus chi dd'at assenniau sa lei de su statutu, de s'arregulamentu o chi dd'at cunferiu su Sìndigu, assistendi is òrganus de su comunu in s'atzioni amministrativa.

Su Segretàriu generali adotat is àutus de cumpetèntzia de is responsàbilis dònna borta chi siat netzessàriu po is esigèntzias de su servitziu, cun pretzisioni po is disacòrdius de cumpetèntzia intr'e is responsàbilis etotu o de imobilitadi no motivada de parti de issus etotu.

Su visu segretàriu pigat su postu de sul Segretàriu Generali in is ocasionis de bagàntzia, ausèntzia o impedu de custu etotu. Est un funzionàriu de arruolu previdiu de sa dotatzioni orgànica de s'Enti.

Art. 45 - Organizatzioni de su trabballu e determinatzioni de is arruolus professionalis

S'organizatzioni de su trabballu, is critèrius chi guvernant sa determinatzioni de is arruolus professionalis tenint a fundamentu e cument'e finalidadi sa valorizatzioni professionali prena, sa responsabilitadi e sa partecipatzioni ativa de su personali dipendenti, fintzas cun su scopu de una partecipatzioni sintzera a is protzessus de autoriforma de s'Enti locali.

Po arribbai a s'obietivu de s'eficièntzia e de s'organizatzioni de is servitzius, s'Enti locali, de acòrdiu cun is organizatzioni sindacalis, promovit iniziativas po s'aggiornamentu culturali e professionali de su personali dipendenti.

Art. 46 - Formas de gestioni de is servitzius pùbbricus

Su Comunu, po promòviri su svilupu econòmicu e tzivili de sa comunitadi locali, guvernat is servitzius pùbbricus localis in is formas providias de sa legislatzioni in vigori. Su scioberu de sa forma de gestioni de is servitzius est stabilia de su Consillu Comunali in basi a valutatzionis de oportunitadi, de cumbenièntzia econòmica, de eficièntzia de gestioni in relatzioni a sa natura de is servitzius e a is interessus pùbbricus de s'ghiri.

Sa delibera consillari de assuntzioni de su servitziu pùbbricu locali depit spetzificai in sa motivatzioni: sa produsidura de benis e is atividadis chi formant s'ogetu de su servitziu, e fintzas is finalidadis chi arrespundint a s'interessu pùbbricu; s'importu sotziali arreconnotu a s'atividadi e is obietivus econòmicus e

de gestiuni s'ghius; is elementus dimensionalis de su servìtziu e is riflessus organizativus chi s'ghint; is arrexonis de sa forma de gestiuni scioberada.

Art. 47 - Partecipazioni a cunsòrtzius e a sotziedadis de capitali

Su Comunu podit promòviri sa costituzioni o pigai parti a cunsòrtzius e a sotziedadis de capitali, po sa gestiuni de servìtzius pùbbricus localis.

Podit, fintzas, pigai parti a cunsòrtzius, sotziedadis de capitali o cooperativas chi tenint cument'e scopu sa promotzioni e s'agiudu de su svilupu econòmicu e sotziali de sa comunitadi locali o po sa gestiuni de atividadis strumentalis.

Podit pigai parti sceti a una forma assotziativa po donniuna de cussas previdias de is artt. 31 (Consòrtzusi), 32 (Unioni de Comunas), 33 (Esercìtziu assotziau de funtzionis e servìtzius) de su D. Lgs. 267/2000, fatas sarvas is dispositzionis de lei in matèria de organizazioni de su servìtziu idricu integrau e de su servìtziu de gestiuni de is arrefudus. Sa limitazioni previdia no si àpricat po s'adesioni a is cunsòrtzius istituius o fatus obbrigatorius de leis nazzionalis o regionalis.

Is àutus constitutivus, is conventzionis e is statutus depint acrarai is finalidadis pùbbricas e sotzialis s'ghias de su cunsòrtziu o de sa sotziedadi de capitalis.

Art. 48 - Tributu ambientalì

Su Comunu promovit indàginis e stùdius cun su scopu de agatai is càusas e s'entidadi de is compromissionis ambientalìs e paesagìsticas, chi interessat parti de su logu suu. In s'idea de arribbai a s'obietivu prefissau, de preventzioni, de arreguberei e torrai a cualificai s'ambienti, podit agatai e determinai formas de contribuzioni spetziali de pònniri a càrrigu de sogetus a titulu difarenti responsàbili de atividadi de impatu ambientalì de importu. S'atuazioni de custu istitutu est demandada a s'aprovazioni de sa disciplina regulamentari apòsita

TÍTULU V- CONTABILIDADI E GESTIONI ECONÓMICU-FINANTZIÀRIA

Art. 49 - Ordinamentu de sa contabilidadi comunali

S'ordinamentu contàbili est disciplinau de s'arregulamentu apòsitu, deliberau de su consillu comunali cun sa majoria de is consilleris assenniaus.

Is arregulamentus comunalis chi pertocant s'esercìtziu de sa podestadi tributària funt adeguaus a is printzìpius previdius de sa lei e, in particulari, assegurant sa formatzioni prus manna po sa connoscèntzia de is dispositzionis, protzeduras, mezus de amparu de is tributus comunalis; chi siat assegurada in su protzedimentu tributàriu sa curesa prus manna de is àutus suos e chi is arrelatus intramesu contribuenti e aministratzioni siant sempri improntaus a printzìpius de collaborazioni, arrespetu, fidi bona.

Art. 50 - Bilànciu e programatzioni finantziària

Su bilànciu annuali de previsionis, chi torrat paris cun s'annu solari, est cumpilau in tèrminis de cumpetèntzia, arrespetendi is printzipius stabilius de sa lei e est aprovau de su Consillu comunali cun sa majoria de is consilleris assenniaus. Sa definitzioni de is previsionis de intrada e spesa est sceberada in coerèntzia cun is indiritzus de programatzioni econòmicu-finantziària.

Po custu scopu, sa Giunta presentat a su Consillu su progetu de bilànciu, fruniu de sa relatzioni previsionali e programàtica e de is propostas de provedimentus, chi podint èssiri netzessàrius, a donai coerèntzia a sa manovra finantziària in su campu de is intradas comunalis. is arresurtaus de sa gestioni de s'annu finantziàriu funt arresùmius e amostaus in su contu consuntivu.

Art. 51 - Mancada aprovatzioni de su bilànciu in is tèrminis. Cumissariamentu

Chi in is tèrminis stabilius de sa lei sa Giunta comunali no apat adotau su schema de su bilànciu de previsionis e, cumentisiat, su Consillu no ddu at aprovau in is tèrminis de lei, si protzedet a su cumissariamentu cunforma a is leis in vigori.

Art. 52 - Su Collègiu de is Revisoris de is Contus

Su Consillu Comunali protzedet a s'eletzioni de su Collègiu de is Revisoris de is Contus chi durat in s'incàrrigu tres annus a cumentzai de sa data de esecutividadadi de sa deliberatzioni.

Is propostas de nòmina de is revisoris no podint èssiri discùtias e deliberadas de su Consillu si no funt frunias de is titulus professionalis chi arrechedint.

No podint èssiri eletus revisoris: su Sìndigu, is Assessoris e is Consilleris de su comunu de Assèmini e is parentis e parentis intzoru aintru de su de 4 gradus; a) is chi ant tentu s'incàrrigu de Assessori o Consilleri in su biènniu cabudianu; su segretàriu e is dependentis de su comunu; b) is amistradoris e is dependentis de sa Regioni Sardinnia e de sa Provìntzia de Casteddu; c) is amistradoris e is dependentis de is Istitutus de Crèditu cuncessionàrius e/o Tesoreris de su Comunu; d) Is chi s'agatant in is cundetionis previdias de s'articulu 2399 de su Còdixi Tzivili.

In s'ipòtesi chi est in is puntus a, c, d, is chi a s'atu de s'eletzioni o de sa nòmina fatzant parti de su Collègiu decadint de custu etotu.

Est fintzas càusa de decadèntzia sa cancellatzioni o suspensioni de s'arruolu o albu de is Revisoris ufizialis de is Contus, de is dutoris cumercialistas e de is ragionieris, sa mancada redatzioni de sa relatzioni a su contu consuntivu e de su bilànciu preventivu de su Comunu, sa mancada partecipatzioni chena de motivu giustificau, a tres riunionis a sa sighia de su Collègiu.

In ocasioni de morti, arrefudu o decadèntzia de unu Revisori, custu depit èssiri sostituui a lestru e a dònna manera aintru de 60 diis de sa primu iscritzioni de s'argumentu a s'òrdini de sa dii de su Consillu Comunali. Su Revisori nou poderat s'incàrrigu fintzas a s'acabbu de su mandau triennali de su collègiu. A is

membrus de su Collègiu de is Revisoris est donada un'indennidadi de funtzioni e sa summa est stabilia de su Consillu cun sa pròpriu delibera de nòmina.

Su Collègiu de is Revisoris collaborat cun su Consillu in sa funtzioni sua de controllu e indiritzu e esercitat is atributzionis chi ddi funt demandadas de sa lei in cunformidadi a cantu disciplinau de s'Arregulamentu de contabilidadi. Is revisoris podint èssiri intèndius, chi arrechedit, in is setziadas de sa Giunta Comunali, de su Consillu Comunali e de is Cumissionis Consillararis.

Art. 53 - Su controllu de sa gestioni

Cun normas regulamentaris apositas su Consillu definit linias-ghia de is atividadis de controllu internu de sa gestioni, chi at a dèpiri permitiri s'averiguada de is arresurtaus de is obietivus previdius de is programas e, cun rilevatzioni sistemàtica in cursu de esercitziu, sa valutatzioni de s'andamentu de sa gestione e is interventus organizativus netzessàrius po congruiri is arresurtaus prefissaus.

Art. 54 - Dispositzionis de acabbu

Custu statutu est pubbricau in su Bolletinu Ufizziali de sa Regione e afissu in s'Albu pretòriu comunali po 30 diis a sa sighia. Intra in vigori passadas trinta diis de s'afissioni.

Is mudas e s'abrogatzioni fintzas sceti in parti funt deliberadas de su consillu comunali cun sa pròpriu protzedura previdia po s'aprovatzioni.

Is Arregulamentus de emanai a norma de custu Statutu ant a dèpiri èssiri scritus aintru de 180 diis de sa data de intrada in vigori e fintzas a tandu s'apricai is normas regulamentaris in vigori, bastu chi no siat in cuntrastu cun is dispositzionis de sa lei o de su statutu etotu.

Custu statutu abrogat in totu e est in postu de su de innantis.

Su statutu est cumpostu de n. 54 articulus, contendi fintzas custu, insertaus in nùmuru de 18 pàginis, totus, in sa còpia originali, sutascritas de su Sindigu e de su Segretàriu.